

ФАРМАЦЕВТИКА ТАРМОҒИ РИВОЖИ

ТАДБИРКОРЛАРНИ ИСТИҚБОЛЛИ ЛОЙИХАЛАР КУТМОҚДА

Мамлакатимизда йилига 1 миллиард 600 миллион долларлик фармацевтика маҳсулотларидан фойдаланилади. Шундан асосий қисми – қарийб 1 миллиард 200 миллион долларлик эҳтиёж импорт ҳисобидан қопланади.



Шу йил 21 январда 2022–2026 йилларда фармацевтика тармоғини жадал ривожлантиришга оид фармон қабул қилинган. Президент Шавкат Мирзиёев раҳбарлигида 12 апрель куни ўтказилган йиғилишда шу борада бошланган ишлар, тармоқдаги лойиҳалар ҳолати танқидий таҳлил қилинди.

Ўзбекистоннинг янги тараққиёт стратегиясида мамлакатда дори воситалари ишлаб чиқаришни 3 бараварга ошириш, ички бозорни таъминлаш даражасини натурал ҳажмда 80 фоизга етказиш вазифаси қўйилган.

– Лекин соҳада ишларнинг бугунги ҳолати билан бу марраларга эришиб бўлмади, – деди давлатимиз раҳбари.

Ҳудудлар кесимида олганда, маҳаллийлаштириш даражаси мутлақо қониқарсизлиги, Қашқадарё, Сурхондарё, Хоразм, Бухоро ва Фарғона вилоятларида дорининг атиги 2-5 фоизи маҳаллий ишлаб чиқарувчилар ҳиссасига тўри келиши танқид қилинди. Фармацевтика тармоғини ривожлантириш агентлигида лойиҳалар билан ишлаш тизи-

мини янгилаш вазифаси қўйилди. Шу йилнинг ўзига амалга ошириш режалаштирилган 80 миллион долларлик 34 та лойиҳа юзасидан тадбиркорларга кўмаклашиб, ишлаб чиқаришни ўз вақтида ишга тушириш бўйича топшириқ берилди.

Йирик хорижий компаниялар билан музокаралар ўтказиб, брендларни жалб қилиш муҳимлиги таъкидланди. Андижонда онкология ва гепатитга қарши дорилар бўйича Ҳиндистон билан, Тошкент шаҳри ва Тошкент вилоятида юрак-қонтомир ва нафас йўллари, юқумли касалликлар бўйича Германия ва Туркия билан, Наманган, Самарқанд ва Сирдарёда тиббий буюмлар бўйича Хитой ва Корея билан ҳамкорликни йўлга қўйиш зарурлиги кўрсатиб ўтилди.

Соғлиқни сақлаш вазирлиги ҳамда Молия вазирлигига юртимизда талаб юқори бўлган 120 турдаги дори воситаларини маҳаллий ишлаб чиқарувчилардан 3 йил муддатга кафолатли харид қилиш бўйича кўрсатма берилди. Бунда, айниқса, онкология, гематология, эндокринология ва

вирусли касалликлар учун дорилар нархини арзонлаштириш кераклиги уқтирилди.

Йиғилишда маҳаллий ишлаб чиқарувчиларни қўллаб-қувватлаш масалаларига алоҳида эътибор қаратилди. Дори ва тиббий воситалар ишлаб чиқариш учун қўшилган қиймат солиғидан озод этиладиган хомашёлар рўйхатини тасдиқлайдиган идоралар сони унга туширилди (Инвестициялар ва ташқи савдо вазирлиги, Божхона кўмитаси ва Фармацевтика тармоғини ривожлантириш агентлиги). Эндиликда маҳаллий корхоналарнинг “GMP” сертификати олиш билан боғлиқ харажатлари Фармацевтика тармоғини ривожлантириш агентлиги томонидан қоплаб берилди. Корхоналарни модернизация қилишни молиялаштириш Тўғридан-тўғридан инвестициялар жамғармаси иштирокида амалга оширилади.

Қишлоқ хўжалиги вазирлиги ва вилоят ҳокимлигига 80 та тумани доривор ўсимликларни етиштиришга мослаштириб, плантациялар ташкил этиш топширилди. Бу тажрибани кен-

гайтиришда кооперация ва оилавий тадбиркорлик учун назарда тутилган барча имтиёз ва молиялаштириш тартиблари татбиқ этилади. Молия вазирлигига аҳоли томорқаси учун қудуқ қазिशга қўшимча 50 миллиард сўм ажратиш топширилди. Шу йилда заъфарон плантацияларини камида 5 бараварга кўпайтириш чоралари кўрилади.

Қайд этилганидек, доривор ўсимликларни қайта ишлайдиган корхоналар 2025 йил 1 январга қадар ускуна ва эҳтиёт қисмлар, хомашё импортда божхона божидан озод қилинади. Уларга тайёр маҳсулотлар экспорти учун транспорт харажатларининг 50 фоизгача қисми қоплаб берилди, ҳар 10 гектар плантацияларга сув чиқариш учун 600 минг сўмдан субсидия ажратилади.

Йиғилишда муҳокама қилинган масалалар юзасидан мутасаддилар, соҳадаги етакчи корхоналар раҳбарлари ва доривор ўсимлик етиштирувчи тадбиркорлар сўзга чиқди. Президентимиз уларнинг таклиф ва ташаббусларини амалга ошириш бўйича кўрсатмалар берди.

ДЕПУТАТ МУАММО ҚҲЯДИ

ЧАҚАЛОҚ ЙИҒЛАЯПТИ, ЛЕКИН...

Сурхондарёда давлат раҳбари топшириғи нега икки ярим йилдан бери пайсалга солинмоқда?



Шу йилнинг март ойида сайловчилар билан учрашувлар доирасида ўтказилган ўрганиш жараёнларида Термиз шаҳар туғруқ мажмуасига етказиб берилиши керак бўлган тиббий жиҳоз ва ускуналар муаммоси яна ўзага чиқди.

Президентимизнинг 2019 йил 17-18 октябрь кунлари Сурхондарё вилоятга ташрифи давомида кенгайтирилган тарзда ўтказилган 43-йиғилиш баёнига мувофиқ Соғлиқни сақлаш, Инвестициялар ва ташқи савдо, Молия, Иқтисодий тараққиёт ва камбағалликни қисқартириш вазирликларига бир ой муддатда Термиз шаҳар туғруқ мажмуасига зарур бўлган 800 минг АҚШ долларига тенг 31 турдаги 126 та тиббий жиҳоз ва ускуналарни халқаро ва хорижий молия ташкилотларидан жалб этилган маблағлар ҳисобидан етказиб бериш вазифаси қўйилган эди. Аммо бу топшириқ бугунги кунгача тўлиқ бажарилмаган. Фақатгина 167 минг 694 АҚШ долларига тенг 6 турдаги 23 та жиҳоз ва ускуналар келтирилган холос.

Ушбу муаммо дастлаб 2020 йилнинг декабрь ойидаги учрашувларда аниқланган бўлиб, Соғлиқни сақлаш вазири номига туғруқ мажмуасига 28 турдаги 103 та 635 минг 94 АҚШ долларлик тиббий жиҳоз ва ускуналарни етказиб берилмаганлик сабаблари ва етказилиб берилишининг аниқ муддати маълум қилиниши тўғрисида, шунингдек, Термиз шаҳар кўп тармоқли марказий поликлиникасини кўчма рентген аппарати билан таъминлаш масаласида депутатлик сўрови юбо-

рилган эди. Депутатлик сўровига ёзилган жавобда 2020 йилнинг октябрь ва декабрь ойларида 30 турдаги тиббий жиҳозлар берилгани ўрганиш жараёнида нега маълум бўлмади, деган ҳақли савол туғилади.

Шу ўринда, жавоб хатида айтилганидек, 2020 йилнинг октябрь ва декабрь ойларида 30 турдаги (қиймати 170 минг АҚШ долларига тенг) тиббий жиҳозлар берилгани ўрганиш жараёнида нега маълум бўлмади, деган ҳақли савол туғилади.

Ҳарқалай, 2021 йилнинг февралда шаҳар туғруқ мажмуасига борганимизда мажмуа ҳовлисида янги келтириб туширилган тиббий жиҳоз ва ускуналарни кўриб анчайин энгил торганмиз рост. Бирок ҳозиргача, салкам икки ярим йилдан буён она ва бола саломатлиги учун жудаям зарур бўлган, қиймати 387 минг 755 АҚШ долларига тенг 17 турдаги 100 дан ортиқ тиббий жиҳоз ва ускуналарнинг келтирилмагани вазирликдаги масъулларни ташвишга солмаётгани ачинарли ҳол.

Тақдим этилган маълумотлардаги айрим ноаниқликларни ҳам аниқлаштириб қўйиш мақсадга мувофиқ. Гап она ва бола соғлиғи тўғрисида кетар экан, бир ойлик муддатли топшириқнинг ижроси нега салкам икки ярим йилга чўзилиб кетгани учун ҳам жавоб берилиши шарт.

Ботир МАРДАЕВ,
Олий Мажлис Қонунчилик палатаси депутати,
O'zLiDeP фракцияси аъзоси

O'ZLiDeP СИЁСИЙ КЕНГАШИ ИЖРОИЯ ҚЎМИТАСИДА

ТАРАҚҚИЁТ СТРАТЕГИЯСИ:

БЕЛГИЛАНГАН ВАЗИФАЛАР ИЖРОСИ НИҲОЯТДА МУҲИМ

Тадбиркорлар ва ишбилармонлар ҳаракати – Ўзбекистон Либерал-демократик партияси Сиёсий Кенгаши Ижроия қўмитасининг навбатдаги йиғилиши бўлиб ўтди.

Унда дастлаб партиянинг 2021 йил давлат бюджети ва бошқа манбалардан даромадларининг шаклланиши, ушбу маблағларнинг мақсадли сарфланиши юзасидан Ўзбекистон Республикаси Ҳисоб палатаси томонидан ўтказилган тафтиш натижалари ҳамда партиянинг жорий йилги бюджети лойиҳаси атрофида муҳокама қилинди.

Шунингдек, Ижрокўм аъзолари партия нашри



– “XXI asr” ijtimoiy-siyosiy gazetasini taхriratining 2021 йилдаги фаолияти яқунлари ва 2022 йилга мўлжалланган вазифалари тўғрисидаги ахборотни ҳам тинглашди. Ҳисоботга кўра, “XXI asr”

газетасида O'zLiDeP унинг парламентдаги фракцияси, маҳаллий кенгашидаги депутатлар ҳамда сиёсий кучнинг барча бўғинлари томонидан амалга оширилган ишлар, лойиҳалар ҳамда долзарб масалаларга оид мавзулар мунтазам чоп этиб келинади.

Муҳокамалар давомида жорий йилда ҳам газета билан яқин ҳамкорликда ишлаш, барча йўналишлардаги ишларни мунтазам ёритиб бориш борасида аниқ вазифалар белгилаб олинди. Йиғилишда O'zLiDeP Сиёсий Кенгашининг навбатдаги мажлисини чақириб масаласи ҳам кўрилди. Унга кўра партия Сиёсий Кенгашининг X мажлисини жорий йил 12 апрель куни Тошкент шаҳрида ўтказиш бўйича қарор қабул қилинди.

Давоми 3-саҳифада. ►►

ИНВЕСТИЦИЯ – ИҚТИСОДИЁТНИНГ ЮРАГИ

Биринчи Тошкент халқаро инвестиция форумидан кейинги ўйлар

2с.

ТОМОРҚАДАН ТИЛЛО ТОПАЁТГАНЛАР

4с.

ҚАЕРДАСАН, “ТЎРТИНЧИ ҲОКИМИЯТ”?

ёхуд матбуот учун чалинаётган оғоҳлик қўнғироғи

6с.

ИНВЕСТИЦИЯ – ИҚТИСОДИЁТНИНГ ЮРАГИ

Биринчи Тошкент халқаро инвестиция форумидан кейинги ўйлар

Инвестиция фаолиятини ривожлантириш ва чуқурлаштириш ислохотлар стратегиясининг муҳим шарт бўлиб, у иқтисодиётда таркибий ўзгаришларнинг амалга оширилиши, экспорт имкониятларининг кенгайтирилиши, халқаро иқтисодий муносабатлар ривожланишини таъминлаб беради.

Кейинги даврда халқаро иқтисодий муносабатларда инвестицион ҳамкорлик тобора мустаҳкамланмоқда, ривожланмоқда. Ўз навбатида бундай ҳамкорлик умумжаҳон ва миллий муаммоларни ҳал қилишга хизмат қилади.

Маълумки, хорижий инвестицияларни кенг жалб қилиш ҳар бир мамлакатнинг асосий мақсадларидан ҳисобланади. Бу иқтисодий ўсиш ва иқтисодиётни ривожлантиришни таъминлашнинг асосий омилларидан бири ҳисобланади. Албатта – барқарор иқтисодий ўсишга эришиш, аҳоли турмуш даражасини яхшилашда хорижий инвестицияларнинг роли катта.

Мамлакатимизда бугунги кунда чет эллик сармоядорлар учун қўлай инвестиция муҳити пайдо бўлди ва бу ўз самарасини берапти ҳам. Уларни жалб қилиш бир томондан янги технологияларни бошқариш тажрибаси ва мамлакатда барқарор иқтисодий ўсишни таъминласа, бошқа томондан республиканинг бой ресурслари ва ишлаб чиқариш имкониятларининг жаҳон ҳужалигига қўшилиши ҳисобига умумжаҳон иқтисодий имкониятларини кучайтиради.

Пойтахтимизда ўтказилган Биринчи Тошкент халқаро инвестиция форумининг ялпи мажлисида давлатимиз раҳбари кейинги йилларда мамлакатимизда амалга оширилган ислохот ва янгиликлар тўғрисида сўз юритар экан, мамлакатни янада ривожлантиришнинг устувор йўналишларини белгилаб берди.

Таъкидландики, Буюк ипак йўли марказида жойлашган Ўзбекистон замини қадимдан Осие, Европа ва Африка қитъаларининг қарвон йўллари туташган ҳудуд сифатида машҳур бўлган. Кўп асрлар давомида дунёнинг турли минтақаларидаги савдогар, ишбилармон ва тадбиркорлар эътиборини ўзига тортди элган. Уч минг йиллик давлатчилик тарихига эга мамлакатимиз узоқ давр мобайнида савдо, иқтисод, илм-фан, маданият ва санъат юксак раванг топаган марказлардан бири сифатида хизмат қилган.

Бу қадим аъёнларнинг узвий давоми сифатида “Буюк ўтмишдан – буюк келажак сари” тамойили асосида иқтисодий-ижтимоий ривожланишни жадал давом эттириш ишлари изчил олиб борилмоқда. Хусусан, 2017 йилда бу борада катта қадам ташланди – хорижий валюта конвертацияси, инвесторлар томонидан фойдани репатриация қилиш бўйича чекловлар бекор бўлди. Банк ва йирик корхоналаримиз илк марта халқаро рейтингларга сазовор бўлиб, жаҳон молия бозорларига йўл очилди. Халқаро ҳамжамият учун очиклик сиёсатини таъминлаш учун 90 та хорижий давлат фуқаролари учун Ўзбекистонга визасиз кириш



имконияти яратилди, яна 60 га яқин мамлакат фуқароларига эса енгиллаштирилган тартиб жорий этилди. Ушбу кўрсаткичлар бўйича мамлакатимиз минтақадаги энг очик давлат сифатида тан олинди.

Шунингдек, мазкур нуфузли форумда Президентимиз фуқаролик жамиятини барпо этиш, сўз эркинлигини таъминлаш, оммавий ахборот воситаларини қўллаб-қувватлаш, меҳнат ҳуқуқларини ҳимоя қилиш ва инсон капиталини ривожлантиришда эришилган муваффақиятларга ҳам алоҳида тўхталиб ўтди. Хусусан, сўнгги беш йилда мамлакатимизда 21 мингдан ортиқ янги мактабгача таълим муассасалари ташкил этилиб, 200 га яқин янги мактаб барпо этилди, 3 мингдан кўпроқ мавжуд таълим масканлари реконструкция қилиниб, тўлиқ жиҳозланди. Тасаввур этиш қийин барибир, жуда қисқа давр ичида 82 та янги университет ва институт, жумладан, 23 та хорижий олий ўқув юрти ташкил этилиб, ОТМларнинг умумий сони 159 тага етди. Натижада мактаб битирувчиларининг олий таълим билан қамров даражасини олдинги 9 фоиздан 28 фоизгача етказишга эришилди. Буларнинг барчаси мамлакатимиз тараққиётига хисса қўшадиган етук кадрлар тайёрлаш, ёш авлоднинг ёрқин келажакига мустаҳкам пойдевор ўрнатишга хизмат қилиши шубҳасиз.

Иқтисодиётни ислох қилишда, жумла-

дан, солиқ юкини енгиллаштириш, боғжона божларини камайтириш, солиқ маъмуриятчилигини такомиллаштириш, тадбиркорликни ривожлантириш ва инвестицион муҳитни яхшилашдаги натижалар ҳам санаб ўтилди.

Бугунги кунда аксарият жаҳонга хорижий инвестициясини кiritиш ҳамда иқтисодиётнинг ривожланишини янги босқичга олиб чиқиш борасида туб ислохотлар амалга оширилмоқда. Натижада иқтисодиётимизга жалб қилинган йиллик хорижий инвестициялар ҳажми уч ярим баробарга ошиб, охириги 5 йилда уларнинг умумий қиймати 25 миллиард долларни ташкил этди. Бунинг ҳисобига 59 мингта инвестиция лойиҳаларининг амалга оширилиши 2,5 миллиарддан ортиқ янги иш ўрни очилишига замин яратди.

Жаҳон тажрибаси шуни кўрсатадики, қайси давлатда фаол инвестиция сиёсати бўлса, ўз иқтисодиётининг барқарор ўсишига эришган бўлади. Шу сабабли ҳам инвестиция бу – иқтисодиётнинг юрагидир.

Ҳақиқатан ҳам, иқтисодиётда инвестицияларни кенг миқёсда жалб этишга эришиш кўпга соҳалар, тармоқлар ҳамда ҳудудларга янги технологиялар, илғор тажрибалар, юксак малакали мутахассислар кириб келиши ва тадбиркорликнинг жадал ривожланишига улкан пойдевор вазифасини ўтайди.

Сир эмас, инвесторлар, корхоналар, ташкилотлар томонидан мамлакатга улкан инвестиция лойиҳаларининг киритилиши натижасида юртимизда кўплаб янги иш ўринлари вужудга келади. Шу билан бирга, замонавий билимларни ўрганиш имконияти, умуман, интеллеktуал салоҳиятни янада ошириш учун етарли даражада шароит яратилади. Ўз ўрнида, бундай имкониятлар халқ фаровонлиги, мамлакат тараққиёт гарови ҳисобланади.

Тошкент халқаро инвестиция форуми доирасидаги айрим рақамларга эътибор қаратайлик: 56 мамлакатдан қатнашган 2 мингдан ортиқ иштирокчи ташаббуслар, илғор фоялар ва музокаралар майдонига йиғилди. Якуний натижага чаккимас – умумий қиймати 7 миллиард 833 миллион долларлик 164 шартнома имзоланди. Келишувларнинг 97 таси инвестициявий, 67 таси эса савдо битими. Шунингдек, қиймати 3,5 млрд долларлик лойиҳаларни амалга ошириш бўйича дастлабки келишувларга эришилди.

Айтиш мумкинки, форум фоят муваффақиятли яқунланди ва хорижий инвестицияларни жалб этишни янада такомиллаштириш, хорижий сармояни жалб қилиш билан боғлиқ айрим муаммоларни барқарор этиш, хорижий инвестициялар ҳажмини кўпайтириш ҳамда улардан самарали фойдаланиш имкониятларини кенгайтириш сари катта қадамлар ташланапти.

Халқаро тажрибага кўра, фаол инвестиция сиёсатини юритган давлатлар ҳар доим ўз иқтисодиётининг барқарор ўсишига эришолган. Чунки инвестиция – бу иқтисодиёт драйверидир. Инвестицияларни фаол жалб қилган ҳолда янги ишлаб чиқариш қувватларини ишга тушириш орқали иқтисодиётимизнинг барқарор ривожланишига эришамиз.

Хулоса шуки, форум ўзини халқаро алоқаларни мустаҳкамлаш ҳамда ривожлантириш учун кенг қўламли мулоқот платформаси сифатида намойиш этиб, мамлакатлараро ва минтақалараро инвестициявий ва ташқи иқтисодий ҳамкорликнинг кучли катализаторига айланди.



Нодир ЖУМАЕВ,
Олий Мажлис Қонунчилик палатаси депутаты,
иқтисод фанлари доктори,
профессор.

ИШЧИ ГУРУХ ИШЛАПТИ

Президентимиз ташаббуси билан эълон қилинган “Яшил йиллик” умуммиллий дастури асосида Қорақалпоғистон Республикасида ҳам кўчат экиш, боғ яратишдек эзгу ҳаракатлар қизгин давом этмоқда. “Ўзбекистон” овули Тўрткўл туманидаги йирик ҳудудлардан бири. 15 614 нафар аҳоли ўзларининг 3 504 та томорқа хонадонларида асосан сабзавотчилик билан шуғулланади. Маҳсулотлар ички бозордан ташқари Бухоро ва Хоразм вилоятларига жўнатилади. Қолаверса, қўшни Қозғистонга ҳам экспорт қилинмоқда.

“ЯШИЛ ЙИЛЛИК” ЯХШИЛИККА ЕТАКЛАЙДИ



Ўзбекистон Фермер, деҳқон ҳўжаликлари ва томорқа ер эгалари кенгаши раиси Актам Хайтов бошчилигидаги ишчи гуруҳ аъзолари дастлаб шу ҳудуддаги Ўринбой Ражапов оиласига киришди. Ихчамгина иссиқхонада помидор, бодринг, булғор қаламбири кўчатларини етиштириш жараёни билан яқиндан танишишди, ўз ўрнида фаолиятини янада кенгайтириш борасида маслаҳат ва тавсияларини беришди.

Томорқачиликда минерал ўғит ва ундан фойдаланиш алоҳида аҳамиятга эгаллиги инobatга олиниб, “Биоомус” ишлаб чиқувчи “Тўрткўлли Ҳасан-Хусан” МЧЖга ўз фаолиятини янада ривожлантириш учун Ўзбекистон Фермер, деҳқон ҳўжаликлари ва то-

морқа ер эгалари кенгаши жамғармасидан 300 млн. сўм миқдорда имтиёзли кредит ажратилиши билдирилди.

Шунингдек, Актам Хайтов туманда ташкил этилган кўргазмали семинарда сўзга чиқиб “Яшил макон” умуммиллий лойиҳасининг мақсади ҳамда озиқ-овқат хавфсизлигини олдини олиш билан боғлиқ кўрилаётган чора-тадбирлар хусусида ҳам тўхтади. Тадбир доирасида Эллиқалъа туманидаги “El agro tamorqa cluster” МЧЖ ҳамда бошқа томорқачилар фаолияти билан ҳам мулоқотлар ўтказилди.

O'zLiDeP Қорақалпоғистон Республикаси кенгаши матбуот хизмати

САЙЛОВЧИ МАҲФААТИ

O'zLiDeP депутатлари: МАКТАБДА, МАҲАЛЛАДА, ЙЎЛДА...

Олий Мажлис Қонунчилик палатасидаги партияимиз фракцияси аъзолари Наврўз Ризаев ва Ғайрат Абдиевлар ўз сайлов округларидаги учрашувларини мактаблар ҳолати, дарслар сифати, муаллимлар муаммоларини ўрганишдан бошлашди. Бу аънона ҳар сафар давом этмоқда. Ҳукуматга чиқарилган депутат ўрнининг ижобий натижаси ўлароқ, Ургутнинг Чағизмон қишлоғидаги 4-мактабга 360 ўринли қўшимча бино қуришга киришилгани ҳам шундан.

Ургут туманидаги яна бир таълим муассасаси – минг ўринли 81-мактаб узоқ йиллар таъмирталаб бўлиб турди. Ноибларнинг Халқ таълими вазирлиги билан ҳамкорликини йўлга қўйгани туфайли бу ерда ҳам капитал таъмирлаш ишлари бошланди.

Президентимизнинг халқ таълими соҳасидаги ислохотларнинг натижадорлигига бағишлаб ўтказган видеоселектор йиғилишида билдирилган фикрлар, ғоя ва ташаббуслар, белгилаб берилган устувор вазибаларнинг мазмун-моҳияти юзасидан тушунтиришлар олиб бориш ҳам депутатларнинг доимий эътиборида. Эндиги навбат дарслар сифатини яхшилашга қаратилган.

Депутатлар 154-умумтаълим мактабида таълим тизимида амалга оширилаётган улкан ислохотлар ва уларнинг муваффақияти, давлатимиз раҳбарининг бу борада эълон қилган наватдаги фармонида кўрсатилган чора-тадбирларни амалга ошириш юзасидан педагоглар билан очик мулоқот ҳам ўтказишди. Унда қайд этилганидек, ўрта таълим тизимини замон талабларига мослаштириш, мактаб дарсликларини янгилаш дастурини амалга ошириш учун давлат бюджетидан 605 миллиард сўм ажратилиши, 141 мингта янги ўқув ўринлари яратилиши ҳамда уларнинг сони 2026 йил якунига қадар 6,4 миллионгача етказилиши юртимизда олиб борилаётган кенг қўламли ислохотлар натижасидир.

Фракция аъзоларининг мавжуд муаммолар юзасидан мунтазам бонг уриб туриши бошқа йўналишларда ҳам ижобий самаралар



бермоқда. Хусусан, Ургутни Самарқанд шаҳри билан боғлайдиган асосий йўллардан бирининг 9 километри таъмирлангани фикримиз далилидир. Ҳозир Бирлик маҳалласи тугашидан Мирзақишлоқ маҳалласига кириш қисмига бўлган йўлларга қум-шағал тўкилиб, текислаш-бостириш ишлари давом этмоқда.

Ургут туманидаги Ғўс ва унинг ёнидаги қишлоқларда яшовчи 50 мингдан ортиқ аҳоли учун бирорта банккомат йўқлиги, одамлар нақд пул учун туман марказига боришга мажбур бўлаётганлиги депутатларни безовта қилди. Сайловчилар ҳам бу борадаги овозгарчиликларга чек қўйишга кўмаклашишни сўраб депутатларга мурожаат қилишди.

O'zLiDeP фракцияси аъзолари томонидан

Ўзбекистон Республикаси Марказий банки раиси номига йўлланган сўров туфайли Ғўс қишлоғи марказига банккомат ўрнатилди.

O'zLiDeP Самарқанд вилоят Кенгаши матбуот хизмати

12 апрел куни бўлиб ўтган O'zLiDeP Сийёсий Кенгашининг навбатдаги мажлисида 2022–2026 йилларга мўлжалланган Янги Ўзбекистоннинг тараққиёт стратегияси ва унинг “Инсон қадрини улуғлаш ва фаол маҳалла йили”да амалга оширишга оид Давлат дастурида белгиланган вазифалар ижросини таъминлаш бўйича тузилган партия ишчи гуруҳи томонидан жорий йилнинг биринчи чорагида амалга оширилган ишлар сарҳисоб қилинди.

Барчангизнинг хабарингиз бор, жорий йилнинг 28 январь куни Президентимизнинг “2022–2026 йилларга мўлжалланган Янги Ўзбекистоннинг тараққиёт стратегияси тўғрисида”ги фармони эълон қилинди, – деди тадбир аввалида Олий Мажлис Қонунчилик палатаси Спикери ўринбосари, O'zLiDeP Сийёсий Кенгаши Ижроия қўмитаси раиси Ақтам Хаитов. – Мазкур фармон билан 2022–2026 йилларга мўлжалланган Янги Ўзбекистоннинг тараққиёт стратегияси ва уни “Инсон қадрини улуғлаш ва фаол маҳалла йили”да амалга оширишга оид Давлат дастури тасдиқланди. Еттига устувор йўналиш ва 100 та мақсаддан иборат бўлган Тараққиёт стратегиясининг барча йўналишларида аҳоли фаровонлиги, инсон қадрини улуғлаш ғояси мужассам этилган. Халқимизнинг чиройли турмуш тарзини янада ошириш, иқтисодий тармоқларини трансформация қилиш ва тадбиркорликни жадал ривожлантириш, инсон ҳуқуқлари ва манфаатларини сўзсиз таъминлаш, фаол фуқаролик жамиятини шакллантириш каби қатор янги марраларни забт этиш кўзда тутилган.

Ўз навбатида Тараққиёт стратегиясида белгиланган ушбу устувор вазифаларни амалга ошириш борасида O'zLiDePнинг аниқ чора-тадбирлар режаси ишлаб чиқилди ҳамда жорий йилнинг 31 январь куни бўлиб ўтган Ижроия қўмитаси ва фракциянинг кенгайтирилган йиғилишида тасдиқланди.

Хусусан, Олий Мажлис Қонунчилик палатаси, маҳаллий кенгаш депутатлари, партия ходимларидан иборат 21 та ишчи гуруҳ тузилди. Худди шундай ишчи гуруҳлар 14 та худудий партия ташкилотларида ҳам ташкил этилди.

Ҳар бир ишчи гуруҳларга аниқ мақсадлар белгилаб берилди. Ишчи гуруҳларнинг биринчи йиғилишларида уларнинг иш режалари тасдиқлаб олинди. Улар томонидан марказда вазирлик ва идоралар билан ҳамкорликда давра суҳбатлари, ахборот эшитувлар ташкил этилган бўлса, худудларда белгиланган вазифаларнинг амалга оширилиши бўйича назорат-таҳлил тадбирлари ўтказилди.

Жорий йилнинг биринчи чорагида ишчи гуруҳлар томонидан 171 мартаба ўрганишлар ўтказилди, – деди Олий Мажлис Қонунчилик палатаси депутати, O'zLiDeP фракцияси аъзоси Шухрат Бафоев. – Ўрганишларда тегишли вазирлик ва идораларнинг ахборотлари тинланди, партия электорати билан соҳадаги камчиликлар муҳокама қилиниб, тегишли тақлиф ва тавсиялар шакллантирилди. Мазкур тақлифлар доимий равишда вазирликларга бериб борилди.

Қорақалпоғистон Республикаси, вилоятлар ва Тошкент шаҳар кенгашларида ташкил этилган ишчи гуруҳлар томонидан 2 111 та тадбир ўтказилган. Жумладан, 963 мартаба давра суҳбати, 379 мартаба семинар, 429 мартаба маҳаллий кенгашлардаги партия депутатлик гуруҳларида мансабдор шахсларнинг эшитуви амалга оширилган.

Шунингдек, маҳаллий кенгашлардаги O'zLiDeP депутатлик гуруҳлари томонидан 376 та ўрганиш амалга оширилди. Улар асосида ўтказилган депутатлик эшитувлари ва депутатлик назоратлари якуни бўйича жами доимий комиссияларга 552 та, худудий кенгашлар сессияларига 405 та тақлиф киритилиб, шундан 273 таси бўйича сессия қарорлари чиқарилган.

ТАРАҚҚИЁТ СТРАТЕГИЯСИ:

БЕЛГИЛАНГАН ВАЗИФАЛАР ИЖРОСИ НИҲОЯТДА МУҲИМ



Йиғилишда партия ишчи гуруҳлари томонидан худудларда тадбиркорлик, инвестициялар, қишлоқ хўжалигини ривожлантириш ҳамда маҳаллабй ишлаш йўналишлари бўйича амалга оширилган ишлар ҳам таҳлил қилинди.

Хусусан, худудлар кесимида жойларда тадбиркорликни ривожлантириш, 200 та янги санаят зонаси ташкил этиш, бизнес-инкубаторлар тизими, рақамли иқтисодийни ривожлантиришга тўсқин бўлаётган омилларни ўрганиш, қишлоқ хўжалигига интенсив ривожланиш механизмлари,



фермер ва деҳқонларнинг даромадларини ошириш йўллари жорий қилишга қаратилган аниқ тақлифлар ишлаб чиқиш, инвестицияларни жалб қилиш ҳолати устидан до-

имий мониторингни йўлга қўйиш йўналишлари ҳам ўрганилган.

Натijasида 141 та муаммо аниқланган ҳамда уларни ечими бўйича 104 та тақлиф келиб тушган. Мазкур тақлифларнинг барчаси ишчи гуруҳ аъзолари томонидан тегишли вазирлик ва идоралар билан ҳамкорликда батафсил ўрганиб чиқилмоқда.

Тараққиёт стратегиясининг ижтимоий соҳани амалга ошириш, яъни хотин-қизлар ва ёшлар масаласи ҳам энг муҳим йўналишлардан бири саналади, – деди O'zLiDeP Сийёсий Кенгаши Ижроия қўмитаси раисининг аёллар масалалари бўйича ўринбосари, партиянинг Олий Мажлисидаги фракцияси аъзоси Мавлуда Хўжаева. – Бу борада жойларда, айниқса, энг чекка қишлоқларда “Бугуннинг тадбиркор аёли”, “Менинг бизнес ғоям”, “Намунали томорқачи аёл-фаровонлик бунёдкори!”, “Бир депутат – юз аёлга кўмакчи!”, “Мен ҳам тадбиркор бўламан” каби бир қатор партиявий лойиҳалар ҳамда тадбиркорлик субъектларига бизнес турлар ташкил қилинди. Бу орқали ишсиз хотин-қизлар, ёшлар турли касб-хунарларга ўқитилиб, ўз бизнесларини бошлашда ва бандлигини таъминлашга эришилди.

Бундан ташқари “Аёллар дафтари”, “Ёшлар дафтари”, “Темир дафтар”га киритилган фуқаролар билан тизимли ишлар ташкил қилиниб, бу борада мутасадди ташкилотлар раҳбарлари устидан жамоатчилик ва депутатлик назорати ўрнатилди.

Ишчи гуруҳлар фаолиятини оммавий ахборот воситаларида, интернетда кенг ёритиш, белгиланган мақсадларнинг инсон қадрини улуғлаш, мамлакатимизнинг ҳар томонлама гуллаб-яшнашига хизмат қилишини жамоатчи-



ликка тушунтириш ҳам олдимизда турган муҳим масалалардан, – деди O'zLiDeP Сийёсий Кенгаши Ижроия қўмитаси раиси ўринбосари Дилшод Шоумаров. – Қолаверса, давлат дастури доирасида амалга оширилаётган чора-тадбирларнинг бориши ва натижалари тўғрисидаги ҳолис, тўлиқ маълумот аҳолига тезлик билан етказилишига қаратилган ишларни ҳам талаб даражасида ташкил этиш бугуннинг талабидир. Режа-мақсадларимиз аниқ, масъулар ва муддатлар белгилаб олинган. Тараққиёт стратегияси ва Давлат дастуридан ўрин олган вазифалардан келиб чиқувчи ишларимизни амалга ошириш учун фаолиятимизни янги асосда ташкил этиб, ҳар биримиз масъулиятни чуқур ҳис қилиб, ғайрат-шижоат билан иш олиб боришимиз зарур. Янги Ўзбекистонни барпо этиш, учинчи Ренессанс пойдеворини қуриш ҳар биримиздан қатъиятли ва ташаббускор бўлишни, янги фикр юритиш, янги ишларни талаб этмоқда. Замон талаблари даражасида фаолият юритиш барчамиздан ниҳоятда катта фидойилик ва фаолликни талаб қилади. Барчамиз улкан, хайрли мақсадлар йўлида жипслашиб, аҳиллик билан ишлаб, ҳамма режаларимизни тўла амалга оширамиз!

Йиғилишда давлат бошқаруви, таълим, тиббиёт, маънавият ва умумбашарий муаммолар йўналишида ҳам партия ишчи гуруҳлари томонидан амалга оширилган ишлар таҳлил қилинди. Тараққиёт стратегиясида белгиланган ушбу вазифалар ижросини таъминлашда иккинчи чорак давомида ҳам самарали фаолиятни йўлга қўйиш борасида аниқ курсатилар берилди.



Шу куни Ўзбекистон Либерал-демократик партиясининг 2021 йил бюджетди ижроси ва 2022 йил учун бюджетини тасдиқлаш масаласи муҳокама қилинди. Йиғилишда муҳокама қилинган барча масалалар юзасидан тегишли қарорлар қабул қилинди.

Нурхон ЭЛМИРЗАЕВА,
“XXI asr” мухбири

ЎНИНЧИ МАҚСАДНИНГ МАЗМУН-МОҲИЯТИ

O'zLiDeP Сийёсий Кенгаши Ижроия қўмитасида Олий Мажлис Қонунчилик палатаси депутатлари иштирокида ўтказилган “Давлат фуқаролик хизмати тизимини замонавий стандартлар асосида ташкил этишнинг долзарб масалалари” мавзусидаги давра суҳбатида шу ҳақда атрофлича сўз юритилди

“2022 – 2026 йилларга мўлжалланган Янги Ўзбекистоннинг тараққиёт стратегияси”даги барча йўналишларнинг “Инсон қадрини улуғлаш” деган ягона оқимда бирлаштирилгани белгиланган мақсадларга етишда муваффақиятнинг муҳим омилли сифатида хизмат қилаётгани бугун ҳеч кимга сир эмас.

Куни кеча бўлиб ўтган Тадбиркорлар ва ишбилармонлар ҳаракати – Ўзбекистон Либерал-демократик партияси Сийёсий Кенгашининг навбатдаги мажлисида ҳам бу жиҳат алоҳида эътироф этилди. Таъкидлаш жоизки, Тараққиёт стратегиясида белгиланган устувор вазифаларни амалга ошириш борасида O'zLiDePнинг аниқ чора-тадбирлар режаси ишлаб чиқилган ҳамда Олий Мажлис Қонунчилик палатаси, маҳаллий кенгаш депутатлари, партия ходимларидан иборат 21 та ишчи гуруҳ тузилган. Тилга олинган тадбир ҳам ана шундай гуруҳлардан бирининг очик мулоқотида.

Парламент қўйи палатасидаги партияимиз фракцияси аъзоси Зафар Худойбердиев Тараққиёт стратегиясининг ўнинчи мақсади мазмун-моҳияти ҳақида фикр билдира экан, Ўзбекистон Республикасининг “Давлат фуқаролик

хизмати тўғрисида”ги қонун лойиҳасида назар тўтилаётган масалаларга атрафлича тўхтади. Унинг маълум қилишича, Олий Мажлис Қонунчилик палатасида уч ўқишда қабул қилиниб, Сенатга юборилган ҳужжатнинг мақсади давлат фуқаролик хизмати соҳасидаги муносабатларни тартибга солишдан иборат.

Ушбу қонун Ўзбекистон Республикаси Президенти, Олий Мажлис Қонунчилик палатаси депутатлари ва Сенати аъзолари, Қорақалпоғистон Республикаси Жўқорғи Кенгеси ва давлат ҳокимияти вакиллик органлари депутатлари, судьяларга тадбиқ этилмайди. Ҳуқуқни муҳофаза қилувчи, судьялар, давлат хавфсизлиги органларида ёки дипломатик тузилмаларда хизмат ўтаётган давлат хизматчиларининг ҳуқуқий мақоми алоҳида қонун ҳужжатлари билан тартибга солинади. Давлат органларида ишлашга тақлиф этилган хорижий мутахассисларнинг ҳуқуқий мақоми контракт асосида белгиланади.

Мазкур қонунда давлат фуқаролик хизмати дейилганда давлат органлари ва ташкилотларида оммавий манфаатлар йўлида Ўзбекистон Респуб-



ликаси фуқароларининг ҳақ тўланадиган касбий фаолияти тушунилиши, давлат фуқаролик хизматининг Давлат лавозимлари реестри дейилганда эса Ўзбекистон Республикаси Президенти томонидан тасдиқланган давлат органлари ва ташкилотларидаги лавозимлар рўйхати аниқлаштиришга маърузачи жиҳдий эътибор қаратади. Чунки айти шу атамалар бошқаларга нисбатан кўпроқ қўлланилган.

Давлат фуқаролик хизматининг асосий тамойилларидан халққа хизмат қилиш, қонунийлик, жисмоний ва юридик шахслар ҳуқуқлари ҳамда қонуний манфаатлари устуворлиги, профессионаллик ва лаёқатлилик, виждонийлик ва батариблик каби сифатлар ўрин олган.

Ҳўш, давлат фуқаролик хизматчисининг ҳуқуқий мақоми қандай бўлади? Бу жараён фуқаро давлат лавозимига тайинланган пайтдан бошлаб вужудга келадиган ҳуқуқ, мажбурият ва жавобгарликлар, шунингдек, уларнинг давлат фуқаролик хизматини ўташи билан боғлиқ чекловлар тизимидан иборатдир. Давлат фуқаролик хизматчисининг фаолият соҳасидан ҳамда эгаллаган лавозимидан қатъи назар, давлат фуқаролик хизматчисининг ягона ҳуқуқий мақоми таъминланади.

Давлат фуқаролик хизматчиси мажбуриятлари сирасига ўз ваколатларини амалга оширишда ҳам, хизматдан ташқари муносабатларда ҳам манфаатлар тўқнашувининг олдини олиш, ҳолис ва беғараз бўлиш, миллат ва элатларнинг тили, урф-одатига ҳурмат кўрсатиш, давлат фуқаролик хизматининг нуфузини туширишга олиб келувчи ҳар қандай ҳаракатлардан тийилиш, ҳар йили ўзининг, шунингдек, оила аъзоларининг даромадлари, мол-мулк ва катта миқдордаги харажатлари тўғрисидаги декларацияни тақдим қилиш, давлат фуқаролик хизматчисининг психологик портретини тузиш мақсадида психодиагностик кўрикдан ўтиш сингари қўллаб масалалар қиради.

Қонунда давлат фуқаролик хизматини ўташ билан боғлиқ чекловлар ҳам ўрнатиляпти. Масалан, давлат фуқаролик хизматчиси ўзaro яқин қариндошлик ёки қандадиган ҳақиқат билан бевоcита бўйсунмишдаги лавозимни эгаллашга ҳақиқ эмас. Фақатгина педагогик, илмий ва ижодий фаолият бундан мустасно. Давлат хизматчилари шахсан ёки ишончли вакиллар томонидан тадбиркорлик фаолияти билан шугулланиши, тижорат ташкилоти бошқаруви орган аъзоси бўлиши, давлат органи назорати остидаги тузилмаларда улушлар, пайлар ва акцияларни тўғридан-тўғри ёки вакиллар орқали сотиб олиши таъқиқланмоқда.



Давра суҳбатида онлайн алоқа тарзида Қорақалпоғистон Республикаси ва барча вилоятлардан қатнашган партия фаоллари, биринчи навбатда, ташаббускор ёшлар ўзларини қизиқтирган масалаларга мутасаддилардан аниқ жавоблар олишди.

Озод РАЖАБОВ,
“XXI asr” мухбири
Суратларни Сардор АМИНЖОНОВ олган.



ШҶҮРТАННИНГ ШИЖОАТЛИ ФАОЛЛАРИ



Хуршид БЕРДИЕВ,
“ШҶҮРТАН ГАЗ КИМЁ МАЖМУАСИ”
МЧЖ бошланғич партия ташкилоти раиси

ОСИЁ ҚИТЪАСИДА ЭМАС, БАЛКИ ДУНЁДА ЭНГ ЙИРИК САНОАТ КОРХОНАЛАРИДАН БИРИ СИФАТИДА ЭЪТИРОФ ЭТИЛГАН “ШҶҮРТАН ГАЗ КИМЁ МАЖМУАСИ”ДА БУГУНГИ КУНДА 3 803 НАФАР ИШЧИ-ХИЗМАТЧИ ИШЛАЯПТИ. БУ ҲАЗИЛАКАМ РАҚАМЛАР ЭМАС. НЕГАКИ, ЮЗТАНИ ҚҶЯВЕРИНГ, ҲАТТО БЕШ-ЎНТА ИШ ҶҮРНИ ЯРАТАЁТГАН ТАДБИРКОРЛИК СУБЪЕКТЛАРИ ҲАҚИДА ҚАНЧА ҚУВОНИБ ГАПИРАМИЗ.

Тасаввур қилинг, сал кам тўрт минг нафар юртдошимизнинг 1 601 нафари O'zLiDeP аъзолари эканлиги бизга алоҳида масъулият юклайди. Нафақат Қашқадарёда, балки мамлакатимизда ягона саналган бизнинг бошланғич партия ташкилотимиз ҳақида ҳар қанча фахрли сўзласак арзийди-да.

Мажмуамизда 25 та цех бор ва уларнинг ҳар бирида фаол маслаҳатдошларимиз ишлашяпти. Айниқса, БПТчиларимиз партия депутатлик гуруҳлари аъзолари билан ҳар доим яқин ҳамкорликда бамавҷият фаолият юритишяпти. Аҳоли бандлиги ва фаровонлигини таъминлаш учун улар биринчи гада “темир”, “аёллар” ва “ёшлар” дафтарларига киритилган фуқаролар билан ишлашга жиддий эътибор қаратишяпти. Аксар ҳолларда куйи бўғинимизга иш сўраб мурожаат қилувчилар ҳам айнан ана шу тоифа вакиллариديم.

Ибратли жиҳати, корхонамиз бош директори, O'zLiDeP вилоят кенгаши раиси, депутат Шуҳрат Асланов ташаббус билан Файзиобод, Нурафшон маҳалла фуқаролар йиғинлари ҳудудидаги қаровисиз қолган боғчалар барча шароитларга эга замонавий биноларда фаолиятини қайтадан йўлга қўйгач, уларга асосан юқоридаги дафтарларда қайд этилган хотин-қизларни ишга олиш талаби қўйилди. Натижада 30 га яқин хотин-қизнинг бандлиги таъминланди. Шакарбулоқ

қишлоғида яшовчи, “Аёллар дафтари”га киритилган 5 нафар хотин-қизга тикув машинаси ҳамда дастлабки фаолиятини бошлаш учун матолар олиб берганимиздан сўнг, оилавий тадбиркорликни йўлга қўйишди. Эҳтиёмжанд оилалар, ногиронлиги бор фуқаролар, ёлғиз кексаларнинг ҳолидан хабар олиб, озиқ-овқат маҳсулотлари тарқатяптимиз. Яна бир эътиборли жиҳати, “Машъал” МФЙ ҳудудида яшовчи кам таъминланган оила бекаси М. Муродовага бизнинг БПТ ташаббуси билан барча кулайликларга эга янги уй қуриб берилди.

Яна бир муҳим жараён ҳақида алоҳида таъкидлашни истардим. Бу жойларда ғоявий-сиёсий ишларни бугунги кун талаблари даражасида ташкил этаётганлигимиз туфайли партияимизнинг жамоатчилик ўртасида нуфузи ортиб, тарафдорларимиз сони кун сайин кўпайиб борапти. Амалга оширилётган маънавий-маърифий ишларда ҳам партия ташкилотимиз бош-қош. Ҳар ойда битта цехда ташкил этиладиган давра суҳбатларида юздан ортиқ ёшлар фаол қатнашяпти. Улар партиянинг дастурий максادلари ҳаётга татбиқ этиш мақсадида тарғибот ишларини кучайтириш, ёшларнинг муаммоларини бартараф этишга кўмаклашиш, тадбиркорларнинг ҳуқуқий билимларини ошириш каби ўнлаб долзарб мавзулар юзасидан баҳс-мунозаралар юритишяпти. Куйи йиғин аъзолари ташаббуси

билан Ҳузур туманидаги 300 дан ортиқ кам таъминланган оилаларнинг томорқаси ерларига ишлов беришда яқиндан кўмаклашиб, эртаци экин ва дарахт кўчатлари экиб берилди. Бир гуруҳ партияимиз аъзоларига оилавий тадбиркорликни ривожлантириш мақсадида мажмуа кафилигида банклардан кредитлар олиб берилгач, чорвачилик, паррандачилик, қўнчилик билан шуғулланишни бошладилар. Партия фаоллари ва депутатлар томонидан кам таъминланган, ночор оилаларга мевали ва манзарали дарахт кўчатлари, сабзи, пиёз, помидор, ошқовоқ, бодринг уруғлари тарқатилди. Шунингдек, Ҳузур кенгликларидан томчилатиб суғориш орқали Фарғона водийсидан келтирилган эртапишар, пакана ва ярим пакана мевали, ноёб манзарали дарахт кўчатлари экилиб, дарахтларни пайвандлаш, парвариш борадида мастер класслар уюштирилди.

Президентимиз ташаббуси билан юртимизда амал оширилаётган “Яшил макон” умумийлик лойиҳаси доирасидаги хайрли ишларда ҳам мажмуамиз ходимлари фаол иштирок этишяпти. Масалан, Ҳузур тумани марказида вилоят кенгаши депутати, корхонамиз раҳбари Шуҳрат Асланов бош-қош бўлиб “Депутатлар боғи” ташкил этиб, 200 тупдан ортиқ дарахт кўчатлари ўтказилди. Партиядошларимиз томонидан мажмуа ва шаҳарчамиз ҳудуди ва ту-

ман кенгликларига 30 минг тупга яқин мевали ва манзарали дарахт кўчатлари экилди. Ҳузур тумани чўл ҳудудида жойлашганлиги боис ёз ойлари жуда иссиқ, чанг-тўзонлар эса ниҳоятда кўп бўлади. Олимларнинг таъкидлашича, дарахтлар, бошқа ўсимликларнинг барглари ва шохлари чор атроф мусофоллигини таъминлаш баробарида ёз ойларида кўшдан келаётган иссиқлик қувватининг фақат 30 фоизини пастга ўтказганлиги боис, ер устида муътадил ҳарорат сақланиб туради. Ишонимизки, умид билан қадаган ниҳолларимиз яқин йилларда бўй кўрсатиб, атроф-муҳит мусофоллигини таъминлашда беминнат хизмат қилади.

Эътиборлиси, аъзоларимизнинг асосий қисми ёшлардан иборат. Улар ўртасида турли мавзуларда танловлар ташкил қилиб, орзу-уйларни, қизиқишлари ва муаммоларини ўрганишга алоҳида эътибор қаратяпти.

Ибратлардан ишлардан бири, ишчи-хизматчиларнинг ҳақ-ҳуқуқларини ҳимоя қилиш, саломатлигини мустаҳкамлаш, меҳнат шароитларини янада яхшилашда раҳбариятга яқин кўмакчи бўляпти. Бўлиб ўтган йиғилишларда туман аҳолиси саломатлигини мустаҳкамлаш, оналик ва болаликни муҳофаза қилиш, ёшларни соғлом ва бақувват бўлиб улғайишлари учун спорт тўғрисида кўпайтириш, қишлоқ инфратузилмасини ривожлантириш, ёшлар бандлигини таъминлашни янада яхшилаш мақсадида уларни тадбиркорликка йўналтириш борадида ўттиздан ортиқ амалий тақлифлар ўртага ташланиб, туман кенгашига юборилди. Фаолларимиз зиммадаги масъулиятни теран ҳис этган ҳолда ҳисобот даврида ташкилотимизга қилинган қирққа яқин мурожаатларга ижобий ечим топдилар.

Шуни алоҳида таъкидлаш керакки, куйи бўғинимиз фаолиятини янада к-

чайтириш, аъзоларнинг ташкилий-партиявий ишлардаги ташаббускорлиги, сиёсий билим ва малакаларини ошириш борадида ҳам ктта ишлар қилин-япти. Масалан, ўтган даврда аҳолини ичимлик суви, электр ва суолтирилган газ билан таъминлашни яхшилаш борадида қатор тақлифлар билан мутасаддиларга чиқдик ва ижобий ҳал этишга эришдик.

Биринчи навбатда партияимиз ҳамда БПТ нуфузини оширишда беминнат хизмат қилаётган, эл орасида ҳурмат-эътиборга лойиқ фаолларимиз, депутатлар саналади, албатта. Деҳқонбод, Ҳузур туманлари ва Қарши шаҳри аҳолиси ўртасида партияимиз дастурий максادلарини кенг тарғиб қилишда ана шундай инсонлар ибрат бўлишяпти. Улар ўзлари истиқомат қилаётган маҳалла ва қишлоқларда ёшлар ўртасида тадбиркорликни ривожлантириш, бандликни таъминлаш, аҳолига кўрсатилаётган маънавий хизмат сифатини яхшилаш борадида қатор эзгу ишларга бош бўлаётди. Лалмикор майдонларда узумчилик, полиз, беда уруғчилиги етиштириш, қўйчилик ва паррандачиликни ривожлантириш борадидаги тақлифларимиз амалиётга татбиқ этилиб, икки юзга яқин янги иш ўринлари яратилди.

Маҳаллий кадрларни тажрибали мутахассисларга бириктириб, соҳани етук билимдонларини тайёрлаш вазифаси ҳам бошланғич ташкилот зиммасига юклатилган. Ёшларимиз ўз билим ва малакасини ошириш учун дунёнинг энг йирик нефть газ компаниялари ва академияларига ўқиш ва иш ўрганишга юборилляпти. Бугун корхонамиздаги асосий ишлаб чиқариш цехларига раҳбарлик қилиб турган билимдон маҳаллий кадрлар O'zLiDeP фаолларидир.

Куйи бўғинимизнинг ишчанлиги, ташаббускорлиги боис туманимиз

аҳолисини қийнаб келаётган муаммоларни ўз вақтида бартараф этишга ҳаракат қилаймиз. Аҳолини ичимлик суви билан таъминлашда жиддий муаммолар бор. Ўтган йиллар мобайнида партия депутатлари ва фаоллари билан ҳамжиҳатликда ишлаб, ичимлик суви бўйича янги лойиҳани амалиётга татбиқ этишга муваффақ бўлдик. У амалга ошгач, аҳолининг ичимлик суви таъминотида сезиларли ўзгаришлар юз беради.

Ташкилий-партиявий, ғоявий-сиёсий ишларнинг самараси ўлароқ кун сайин сафи ортиб бораётган маслаҳатдошларимизнинг ҳар бири ўз касбининг билимдони, жамоасида, маҳалласида ташаббускорлиги, ташкилотчилиги туфайли обрў-эътибор қозонган фаол кишилардир. Масалан, яқинда бўлиб ўтган БПТ ҳисобот-сайлов йиғилишида “Янги Ўзбекистоннинг 2022–2026 йилларга мўлжалланган Тарақиёт стратегияси” дастурини “Инсон қадрини улғулаш ва фаол маҳалла йили”да амалга оширишда белгиланган вазифалардан келиб чиққан ҳолда куйи бўғиннинг 2022 йилдаги устувор вазифаларини ҳам белгилаб олди. Фаолиятимизни танқидий нуқтаи назардан ҳам ўрганиб, хато ва камчиликларни аниқлаб, бартараф этиш ҳамда фаолиятни жонлантириш юзасидан тақлифлар ишлаб чиқдик.

Янгиланган Ўзбекистонда амалга оширилаётган ислохотларнинг самараси, замондошларимизнинг ташаббускорлиги, фидойилиги ва жонқурлигига боғлиқ эканлиги ҳеч кимга сир эмас. Бир сўз билан айтганда, мажмуамизда O'zLiDeP дастурий максادلарида кўзда тутилган вазифаларни оқилона амалга оширишда бошқаларга намуна бўлаётган сафдошларимиз билан ҳар қанча фахрлансак арзийди.

ХОРАЗМДА БОШЛАНГИЧ ПАРТИЯ ТАШКИЛОТЛАРИНИНГ ҲИСОБОТ-САЙЛОВ ЙИҒИЛИШЛАРИ МУВАФФАҚИЯТЛИ ЯҚУНЛАНДИ.

Маълумки, O'zLiDeP Сиёсий Кенгаши Ижроия қўмитасининг тегишли қарорига асосан шу йилнинг 15 февралдан 15 апрелга қадар икки ой давом этган бошланғич партия ташкилотларининг ҳисобот-сайлов йиғилишлари қизгин жараёнга айланди. Мазкур мулоқотлар давомида БПТлар фаолияти хусусида аниқ хулосалар

жонлантириш масалалари атрофлича муҳокамага қўйилди. Натижада 266 та БПТга янги раислар сайланди.

Ўтказилган йиғилишларда Олий Мажлис Қонунчилик палатаси ҳамда Халқ депутатлари вилоят кенгаши депутатлари, корхона ва ташкилотлар раҳбарлари, фаол ходимлар иштирок этишди.

Сарҳисоб давомида давлат дастурларининг ижросидан келиб чиқиб, куйи бўғинларнинг жорий йилга мўлжалланган аниқ ва мақсадли режалари билан белгилаб олинди. Мазкур тадбирларга партия депутатлик гуруҳи аъзоларини жалб қилиш, O'zLiDeP қошидаги фахрийлар кенгаши аъзолари

ТАЯНЧ НУҚТА КУЧАЯДИ

чиқарилди. Зеро, ҳар қандай партиянинг асосий таянчи унинг бошланғич ташкилотидир.

Сабаби меҳнат жамоаларида, маҳаллаларда фаолият юритаётган, бевосита одамлар билан ишлайдиган, йигит-қизларни партия ғояларини ҳаётга татбиқ этиш йўлида бирлаштирадиган тузилма айнан куйи бўғиндир. Шунингдек, БПТларнинг ўтган йилдаги фаолияти танқидий таҳлил нуқтаи назаридан кўриб чиқилиб, жорий йилда қилиниши лозим бўлган устувор вазифалар юзасидан партия фаоллари, маҳаллий кенгаш депутатлари иштирокида давра суҳбатлари ташкил этилди.

O'zLiDeP Хоразм вилоят кенгаши томонидан 13 та туман (шаҳар) даги жами 1068 та БПТда ҳисобот-сайлов йиғилишлари белгиланган тартибда ўтказилиши доимий равишда мувофиқлаштириб борилди. Ушбу тадбирларда БПТ раисларининг йил давомида амалга оширилган ишлари сарҳисоб қилинди, фаолиятини янада

салохиятидан унумли фойдаланиш, ташаббускорларни рағбатлантириш, таянч тузилмаларга партия мутасаддилари ва депутатларни бириктириш орқали ишларни самарали йўлга қўйиш билан боғлиқ масалалар ҳал этилди. Аниқланган муаммоларга ечим топишда маҳаллалардаги ҳоким ёрдамчилари ва ёшлар етакчилари билан ҳамкорликни мустаҳкамлашнинг долзарб аҳамиятига алоҳида эътибор қаратилди.

Бинобарин, бошланғич ташкилот иши қанчалик самарали бўлса, партиянинг ютуқлари салмоғи ҳам шунчалик ортади. Бу эса сиёсий кучнинг жамиятда таъсир кучи, обрў-эътибори мустаҳкамлашига, дастурий мақсадлари рўёбга чиқишига хизмат қилади.

Шуҳрат ОТАЖОНОВ,
O'zLiDeP Хоразм вилоят кенгаши ташкилий партиявий ва истиқболли кадрлар билан ишлаш бўлими мудири

ТОМОРҚАДАН ТИПЛО ТОПАЁТГАНЛАР

ЖИЗЗАХ ВИЛОЯТИНИНГ ҚАЙСИ ҲУДУДИДА БЎЛМАНГ, БИР ПАРЧА ТОМОРҚАСИДА ҒИМИРЛАБ ЮРГАН ОДАМЛАРГА КЎЗИНГИЗ ТУШАДИ. КЕКСАЛАРНИНГ ЎГИТИГА КЎРА, БАҲОРГИ БИР КУНЛИК ҲАРАКАТ – БУТУН ҚИШ ОИЛАНИ БАРАКАТ БИЛАН ТАЪМИНЛАР ЭКАН...

Айни пайтда вилоятда 176 147 та деҳқон ва фермер хўжалиги бор. Улар ихтиёридаги ер майдони 25 186 гектарни ташкил этади. Кафтдек ердан мўмай даромад олаётган хонадонлар сони кўпайиб бораётганини ҳисобга олсак, бу кичкина рақам эмаслиги янада ойдинлашади. Эътиборли жиҳати, томорқа сабаб бандликни таъминлаш даражаси ошяпти.

– Бу йил 76 гектарда 5 813 та иссиқхона барпо этиш режалаштирилган. Биринчи чоракнинг ўзида 17 гектарлик 1 383 та иссиқхона қуриб бўлинди, – дейди **Ўзбекистон фермер, деҳқон хўжалиқлари ва томорқа ер эгалари Жиззах вилоят кенгаши бош мутахассиси Акмал Омонов.**

Бахмал туманининг Файзиобод маҳалласида яшовчи Раҳмат Тожиев оила аъзолари билан маслаҳатлашиб, 2 сотихлик иссиқхона кўтарди.

– Пенсияга чиққач, зерикиб қолдим, – дейди Раҳмат ака. – Ҳовлида мол-ҳол, тоқзор бор. Бироқ у ердаги ишлар фарзандларимдан, невараларимдан ортмайди. Шу сабаб атрофдаги иссиқхоналар тажрибасини ўргандим. Қилса бўларкан. Маҳалла раиси, ҳоким



ёрдамчиси кўмаги билан 33 миллион сўм имтиёзли кредит олди. Ҳозир лимон ўстиряпмиз, шунингдек, сабзи, саримсоқпиз ва харидорбоп кўкатлар экканмиз. Оилани таъминлашдан ташқари, бозорга бир йилда 15-20 миллионлик маҳсулот чиқарамиз.

Бахмални деҳқончиликка қулай, деб тасаввур қилганларга Раҳмат ака ўғиллари билан бирга дашт ҳудуддаги янги маҳаллага уй қуриб кўчиб ўтганини, сув чиқариш учун кўни-кўшилар ўртада артезиан кудуқ қазитишганини эслатсак, иссиқхона қилишининг ўзи осон эмаслигини қисман аналган бўлардик.

Пахтакор туманидаги 6 036 та деҳқон хўжалиги ва томорқа ер эгаларида 702,2 гектарлик томорқа мавжуд. Ушбу майдонлар асосан пиёз ва ҳамда тўқсонбости усулида экиладиган экинларга ихтисослашган.

“Чаманзор” кўчасида яшовчи Шавкат Якубов ҳам ер билан тиллашишининг ҳа-диси оилани олиб чиқаришда беминнат хизмат қилаётган ишига меҳр бериши керак, – дейди Шавкат ака. – Томорқада саримсоқпиз ва кўкат етиштириб, бир йилда 2-3 мартагача ҳосил оламиз. Даромад ҳам меҳнатга яраша – часами 85-90 млн. сўмга боради деб бу йил чамалаб турибман.

Арносаой тумани деҳқончилик учун анча нуқулай ҳудуд ҳисобланади. Бироқ бунда ҳам томорқадан унумли фойдаланаётган хонадонлар сони ошмоқда. Мисол учун, Ф.Ғуллом кўчасида истиқомат қилувчи Низомиддин Омонтурдиев ўз хонадонига 30 млн. сўм имтиёзли кредит ҳисобига 3 сотихлик иссиқхона ташкил қилган. Айни пайтда 800 туп помидор, 200 туп булғор қалампир парвариш қилинмоқда. Ҳисоб-китоблар чакимас, қамада 60 млн. сўмлик даромадни кўзла-этир.

Яшаш ва ишлашни эплайётган бундай оила соҳиблари билан яқиндан танишиб, дилдан суҳбатлашсангиз одамнинг кўнгли тоғдай кўтарилди. Юртимизда изланганлар учун имконият ҳам, шарт-шароитлар ҳам яратилаётганига амин бўласиз. Шундай кезлар, негадир оиласида меҳнатга яроқли, тоғни урса талқон қиладиган уч-тўрт киши бўлса-да, турли хил баҳонау талаблар билан мутасадди ташкилотларнинг эшигини тақиллашдан, ўтаётган кундан нолишдан чарчамайдиган боқиманда, дангасалар ёдингиз-га тушади.

Биз фаолияти билан танишган томорқачиларнинг эса дилида ҳам, тилида ҳам ўтаётган кундан шўқронлик, эртанги кунига ишонч армиядир.

Баҳром МИРЗАҚОБИЛОВ,
“XXI asr” мухбири

ОЙНА

ЖАЛАҚУДУҚДАГИ ЧАЛА МУАММОЛАР

Ёхуд болалари кўчага чиқолмайдиган

“Маданият” ликларнинг айби нима?

ЖАЛАҚУДУҚ ТУМАНИ “МАДАНИЯТ” МАҲАЛЛАСИ МАДАНИЯТ КЎЧАСИДАГИ НОСОЗ СИМЁГЧЛАРИНИ БЕТОНЛИСИГА АЛМАШТИРИШ МАСАЛАСИ 2012 ЙИЛДАН БУЁН ОЧИҚ ҚОЛМОҚДА. КЎЧА МУАММОЛАРИ БИЛАН ТАНИШАРКАНСИЗ, НОМИГА ЗИД ХОЛАТЛАРГА ДУЧ КЕЛАСИЗ. МУАММОЛАР ҲАЛ ЭТИЛИШИ ЎРНАГА БАТТАР ИЛДИЗ ОТАВЕРГАНДАН АҲОЛИ ЧАРЧАГАН.

“Тегсанг, йиқилдиган” аҳволга келиб қолган кўлбола симёгчларнинг яқинроғидан ўтгани ҳайиқади одам. Бирор мутасадди уни бартараф этишга қизиқмайди. Ота-оналар эса хавотирланганидан фарзандларини кўчага чиқаришмайди. Қишда-ку болалар уйдан чиқмаслигини тушуниш мумкин, аммо мана бундай иссиқ кунларда кичкинтойлар маҳалладошлари билан ўйнамай ўтира олишадими? Минг афсуски, ўтиришди, зерикиб, хуноб бўлиб.

– Болаларим деярли онамникида туради, ҳар замонда олиб келаман, шунда ҳам кўчага чиқмасликлари учун дарвозани қулфлаб қўяман. Чунки омонатгина турган электр таянчнинг кулашидан кўркаман, – дейди Муҳайё Ҳошимова.

Унинг куйиниши ўринли, хавотири содир бўлмаслигига ҳеч ким кафолат беролмайди.

Аҳолининг нечанчидир мурожаатидан кейин мутасаддилар хўжакурсинга олиб келган 400 метрлик

кабель кўча фаоли Рустамжон Сиддиқов хонадонидида сақланаётган эди. У ҳам келган жойига қайтиб кетибди. Биз шу масалада маҳалла раиси ва шу ҳудудга бириктирилган ҳоким ёрдамчисининг фикрларига қизиққандик. Афсус, иккиси ҳам йиғилишда экан. Куттишга қарор қилдик. Раис ўринбосари Ёкутой Мажидовага телефонда мақсадимизни айтгандик, бир пасда етиб келди. Саволларимизга тўлақонли жавоб ололмагач, раҳбарига кўнғироқ қилишни сўрадик. У эса бир бурчакда раисига нималаридир шипшиди чоғи, раиснинг яна бошқа мажлиси чиқиб қолди. Ҳартугул, ҳоким ёрдамчиси Жамшидбек Абдурахимов бир неча бор қилинган



кўнғироқлардан кейин йиғилиш тугамди уни тарк этганини айтиб, етиб келди.

Таъкидлашчи, унинг сайёҳи рақати билан мазкур муаммо ечими 2022 йил давлат дастурига киритилибди. Лекин гап энди туман электр

тармоқлари бўлими раҳбаридида қолганмиш... Дастур ижросининг қайси даврига киритилгани эса маъхум. Кўча ахли ўша кунлар келгунча юрак ҳовучлаб яшаб туришаверади-да а, хурматли ҳоким ёрдамчиси?! Ҳеч бир масъул ечим, дастур ижроси жадаллашиши учун жон куйдирмасан? Эй, сиз қачон уйғона-сиз, “Маданият” мутасаддилари?

Кўчадагиларнинг ташвиши биргина бу эмас. Улар бу ерга 2005 йилда кўчиб келган бўлишса-да, ҳамон ичимлик суви йўқ, тармоқ тортилмаган. Бу борадаги мурожаатлар ҳам жавобсиз қолаверган, аҳоли масъулиятни ўз зиммасига олган. Ҳашар йўли билан 630 метрлик кувур ётқизишни амалга оширишяпти. Энг қизиғи, маҳалла раиси ўринбосарининг тан олишича, бу ташаббусдан уларнинг хабари йўқ экан. Ҳа энди, шу “етим” кўча ахли ҳолидан ҳам хабар олиб туриш керак-да, Ёкутой опа. Ахир кўза кунда эмас, кунда синади – мана, тасодифан синди-қолди...

Дарвоқе, ҳудуд ахли бу ердан халқ депутатлари маҳаллий кенгашларга сайланган ноибни ҳам танимасликлари унданам ачинарли. Демак, депутат ишламайди! Сиёсий фаолияти ақалли қониқарли бўлганда, сайловчилари муаммоларини бартараф этиш учун елиб-югурган бўлар эди?

Хуллас, кўлбола симёгчлар сабаб яна бир неча ҳолат кулоғимизга айтилди, буларни кейинроққа олиб қўямиз. Ҳозир эса омонат симёгчларни мустаҳкам бетон электр таянчларга тезроқ алмаштириш хусусида бош қотирайлик.

Зилола РАҲМОНОВА,
журналист

ҚУВАСОЙЛИК ЮРТДОШИМИЗ АҲМАТИЛЛА РУСТАМОВ БОШЧИЛИГИДАГИ “ФАРҒОНА ЖХК-53” ФЕРМЕР ХЎЖАЛИГИ ШАҲАР ҲОКИМИНИНГ 2003 ЙИЛ 31 ИЮЛДАГИ 393/7-СОНЛИ ҚАРОРИ БИЛАН ТАШКИЛ ЭТИЛГАНДИ. ЎШАНДА ХЎЖАЛИККА ШАҲАРНИНГ ҚОРАМҚУЛ (ҲОЗИРГИ БЕҲИЗОР) МАССИВИДАГИ ҚИР-АДИРЛАРДАН 210 ГЕКТАР ЕР МАЙДОНИ ДЕҲҚОНЧИЛИК ЙЎНАЛИШИ УЧУН АЖРАТИБ БЕРИЛГАН.

Шундан буён хўжалик рисоладагидек фаолият юритиб келаётган эди. Аммо 2020 йилга келиб, кетма-кет ташвишли воқеалар юз беради. Аввало 2020 йил 12 март куни А.Рустамов тўсатдан вафот этади. Унинг қасосидан қирқ кун ўтиб - 2020 йил 21 апрелда эса шаҳар ҳокимининг 236-сонли қарори қабул қилиниб, фермер хўжалигининг салкам 180 гектар ери шаҳар захирасига қайтарилади. Сўнгра қайтарилган ерлар тендер танловига қўйилади. Мазкур танловда эса Фуқуор Отабек Хусайнов ғолиб бўлади. Натижанда шаҳар ҳокимининг 2020 йил 25 майдаги 281-сонли қарори билан Беҳизор ҳудудидаги 521, 523, 524, 525, 526, 546, 547, 548, 557, 558, 559, 560-контурлардаги жами 33,49 гектар ер О.Хусайновнинг боғдорчилик йўналишида ташкил этилган “Greenville ARC” фермер хўжалигига узоқ муддатга ажратиб берилди. Ажаблანарлиси шундаки, Қувасой шаҳар ҳокимининг юқоридаги – 2020 йил 21 апрелдаги 236-сонли қарори билан фақат 521, 524 ва 560 контурдаги ерлар захирасига олинган, холос. Қолган 523, 525, 526, 546, 547, 548, 557, 558, 559-контурдаги ерлар “Фарғона ЖХК-53” фермер хўжалиги

тасарруфидан шаҳар захирасига қайтарилмай туриб иккинчи фермерга ажратиб берилган.

Буни қарангки, айни қонунбузилиш ҳолати прокуратура органлари томонидан ўтказилган тек-

рухсат берилган. Шу билан бирга 2021 йил 15 февраль куни Қувасой шаҳар ҳокимлиги ва “Фарғона ЖХК-53” фермер хўжалиги ўртасида

ҲУҚУҚ ВА ҲИМОЯ

лаиш учун яроқли ҳолатга келтириш, шу жумладан ундаги иморатларни бузиш ер участкаларини ўзбошимчилик билан эгаллаб олган

ФЕРМЕРЛАР НИЗОСИГА СУД НУҚТА ҚЎЙДИ!



ширишда аниқланади. Шу боис “Greenville ARC” фермер хўжалигига ер майдонини ажратиш билан боғлиқ ҳоким қарорларини бекор қилиш ҳақидаги протест киритилади. Пировавдида Қувасой шаҳар ҳокимининг 2020 йил 26 июнда қабул қилинган 334-сонли қарори асосида 2020 йил 21 апрелдаги 236-сонли ҳоким қарорининг “Фарғона ЖХК-53” фермер хўжалиги ер майдонларининг бир қисмини захирасига қайтариш қисми, қолаверса, шаҳар ҳокимининг 2020 йил 17 август куниги 421/1-сонли қарори билан 2020 йил 25 майдаги 281-сонли қарор бекор қилинган. Табиийки, бундан норози бўлган “Greenville ARC” фермер хўжалиги раҳбари Отабек Хусайнов Фарғона туманлараро маъмурий судига мурожаат қилиб, шаҳар ҳокимининг 2020 йил 26 июндаги 334-сонли қарорини ҳақиқий эмас деб топишни сўраган. Бироқ суднинг 2020 йил 11 декабрдаги ҳал қилув қарори билан унинг давво аризаси рад этилган.

Шундан кейин Қувасой шаҳар ҳокимининг 2020 йил 9 декабрдаги 646-сонли қарорига мувофиқ, “Фарғона ЖХК-53” фермер хўжалигининг раҳбарлигини А.Рустамовнинг ўғли Рустам Рустамов номига ўтказишга

ер участкасини 31 йил муддатга ижарага бериш шартномаси тузилган. Шунга кўра, фермернинг аввалги 210 гектар ери ижарага топширилиб, шартнома кадастр хизматида рўйхатга олинган. Лекин...

Лекин масаланинг бошқа бир низоли жиҳати пайдо бўлганки, Р.Рустамов бу борада Фарғона туманлараро судига мурожаат қилишдан ўзга чораси қолмаган. Яъни юқоридаги ерларни тасарруф этган пайтда “Greenville ARC” фермер хўжалиги раҳбари О.Хусайнов ўша ҳудудда ноқонуний қурилмалар қилган. Оқибатда ерлар “Фарғона ЖХК-53” фермер хўжалигига қайтарилгандан кейин ҳам у жойдан чиқиб кетмаган. Бинобарин, Рустам Рустамов ўз давво аризасида ўзбошимчилик билан амалга оширилган қурилмаларни “Greenville ARC” фермер хўжалиги ҳисобидан буздирди ва жавобгарни мажбурий кўчиришни сўраган.

Ўзбекистон Ер кодексининг 91-моддасида “Ўзбошимчилик билан эгаллаб олинган ер участкаларини уларга ғайриқонуний равишда эгаллик қилинган ва фойдаланилган вақтда қилинган сарф-харажатлар қопланмаган тарзда тегишлилигига қўра қайтарилади. Ер участкаларини фойда-

шахслар ҳисобидан амалга оширилади. Ўзбошимчилик билан эгаллаб олинган ер участкасини ер эгасига, ердан фойдаланувчига, ер участкасини ижара-чисига ёки мулкдорига қайтариш тегишли туман, шаҳар, вилоят ҳокимининг қарорига биноан ёки суднинг ҳал қилув қарорига кўра амалга оширилади” деб белгиланган.

Фуқаролик кодексининг 228-моддасида мулкдор ўз мол-мулкни бошқа шахснинг қонунсиз эгаллигидан талаб қилиб олишга ҳақли (виндикация) эканлиги белгиланган. Ана шу асосларга таянган суд “Фарғона ЖХК-53” фермер хўжалигининг даввосини қаноатлантириш тўғрисида ҳал қилув қарори чиқарди. Шу тарихда фермерлар ўртасидаги низо қонуний ечим топди.

Хулоса ўрнида эслатиш лозимки, нима бўлганда ҳам ҳар бир иш қонун талаби доирасида амалга оширилиши, ҳар бир муаммога эса қонуний ечим топилиши шарт. Аксинча, ортиқча оворагарчилигу сарсон-саргардонликлар юзага келаверади.

Жамила АҚРАМОВА,
Фарғона туманлараро иқтисодий суднинг судьяси

РЕКЛАМА ЎРНИДА

“MAGIC CITY”

ҳам нарсани топишингиз мумкин, фақат саводдан бошқа!?

Йиллар ўтгани сайин саводхонлигимиз “гуллаяпти”! Бугун бошқа вилоят марказларини қўятуринг, азим Тошкентдай пойтахт шаҳарда ўзбек тилида беҳато ёзилган жой-номлари-ю рекламаларни топиш қийин. Ишонмайсизми? Мана исботи – болалар ва катталарга мўлжалланган ўйингоҳлар бўлимидаги девордаги маълумотномадаги биргина гапда нақ 4 та хатолик! Эссиз она тилим,

бошқа-ку. Рўё арабча сўз бўлиб, аслиятда – кўриш; туш кўриш, тушда кўрилган нарса маъноларини англайди. Ўзбек тилида мавжуд бўлмаган нарса, ҳодиса маъносидида келади.

Рўёб эса форсчадан олинган, аслиятда – сув юзаси, сатҳи, маълум бўлиш, воқеаниш маъноларини англайди. Ўзбек тилида асосан рўёбга чикмоқ ибораси таркибида қўлланади. Ушбу иборанинг маънолари: юзага чикмоқ, амалга



“рўё” ва “рўёб” сўзларининг маънолари орасида ер билан осмонча фарқ борлигини наҳотки билишмасан буни ёзганлар? Ахир, бу икки сўзнинг айтилиши бир-бирига яқин бўлса-да, келиб чиқиши тамоман бошқа

ошмоқ; ушалмоқ; намоён бўлмоқ, воқеланмоқ; юзага чиқиб, бахтли, фаровон ҳаётга эришмоқ, ёруғликка чикмоқ, эркин бўлмоқ.

Худди шу каби, “Бу ерда ҳаёл(от)ингиз рўёбга айланади” яъни

“Орзуингиздагиларнинг барчаси бу ерда муҳайё, учинг, завқланг ва уларни амалга оширинг”, дея ўйингоҳ имкониятлари реклама қилиняпти.

Тағин ўйлаб қоламан, балки “Magic city”чиларнинг асл мақсади бутунлай бошқачадир, яъни аттракционларда учиб завқланадеса нарх-навосига дош беролмайдиган инсонларнинг болаларига

қарата: “Ота-онангизни чўнтаги юпка бўлса, бу ўйингоҳда фақат томоша ва хархаша қилиб кетаверасиз, барибир ҳаёл(от)ингиз рўёлигича қолаверасиз”, деган мазмунда сўз ўйини қилишдимикан ё? Янаям ким билади, дейсиз. Аммо шундай бўлганда “ҳаёлот”мас “ҳаёлот” бўлади-да пултопар жаноблар!

Нурхон ЭЛМИРЗАЕВА,
“XXI asr” мухбири

Бугун мамлакатимизнинг қайси бир бурчагига борманг, бунёдкорлик, ободончилик, ўзгаришларга гувоҳ бўласиз. Кейинги пайтларда катта минбарларда аҳолини қийнаётган муаммолар орасида йўллар энг асосий ўринни эгаллаётганлиги сир эмас.

Обод йўллар, янги мактаблар чорлайди

Шу маънода Андижон вилоятида ҳам бу борада сезиларли ишлар амалга оширилаётганлиги кўпчиликни қувонтирмайди. Бу ҳам ободончиликнинг энг муҳим кўринишларидан бири саналади.

Масалан, Хўжаобод туманидаги Ордай ва Бешқовоқ маҳаллаларда айни кунларда “Обод қишлоқ” давлат дастури бўйича олиб борилган хайрли юмушлардан аҳоли хурсанд. Айниқса йиллар давомида унутилган ва қаровсиз қолиб кетган айрим кўчаларга йўлсозлар томонидан асфальтбетон ётқизиляётган бўлса, тупроқли қисмига шағал ётқизиляпти.

Туман кенгаши депутати, тажрибали йўлсоз **Дониёр Қосимов раҳбарлик қилаётган “Хўжаобод туман йўллардан фойдаланиш” унитар корхонаси** ишчилари бугунги муборак кунларда халқнинг дуосини олиш бахтига муяссар бўлишмоқда. Бундан ташқари корхона аъзолари кўмағида халқаро аҳамиятдаги “А-373” белгили “Андиджон-Ўш” автомобиль йўли ҳам реконструкция қилинмоқда.

Кувонарли томони, одамларга янада қўлайлик яратиш мақсадида туманнинг марказий кўчаларида “хавфсиз” мақомига мос равишда

пиёдалар ва велосипедчилар учун махсус йўлак ҳам барпо қилинди. Ўз номига муносиб саналган бетон қопламали “Саломатлик йўлаги”ни вилоят ҳокимлиги ҳузуридида “Ягона буюртмачи хизмати” инжиниринг компанияси буюртмачилигида 4 миллиард 500 миллион сўм маблағ киритилган инвестиция лойиҳаси асосида “Ёш тадбиркор Азизов” хусусий фирмаси қурувчилари бунёд эттиди.



Ана энди сиз билан Жалақудқ туманига қарашли Охунбобоев номли маҳаллага йўл оламиз. Бу ерда истиқомат қилаётган аҳоли-

ри учун махсус дастур доирасида 11 миллиард сўм ажратилган эди. Аъзамжон Ваҳобжонова бошчилик қилаётган “Такомил қурилиш сервис” масъулияти чекланган жамияти ишчиларининг жонбозлиги туфайли хашаматли бионинг ик-



кинчи қаватида спорт ва фаоллар зали, ташқари ҳудудда эса футбол, баскетбол мини-стадионлари қуриб берилди. Ана энди давлатимиз томонидан шундай кенг имкониятлар яратиб берилган бу каби мактаблардан фақат аъло баҳоларга ўқиб, юртимиз қорига ярайдиغان фидойилар этишиб чиқишни истаймиз.

Юнусали ОЧИЛДИЕВ,
“XXI asr” мухбири.



Хизматлар лицензияланган.

XXI ACP MAVZUSI

ҚАЕРДАСАН, "ТЎРТИНЧИ ҲОКИМИЯТ"?

ЁХУД МАТБУОТ УЧУН ЧАЛИНАЁТГАН ОГОҲЛИК ҚЎНҒИРОҒИ

РОППА-РОСА 15 КУН АВВАЛ, АНИҚРОҒИ, 31 МАРТ КУНИ "ХАЛҚ СЎЗИ" ГАЗЕТАСИ (67-СОН)ДА ТАНИҚЛИ ЖУРНАЛИСТ ЎТКИР РАҲМАТНИНГ "ҲАР КУНГИ МЎЪЖИЗА: У ТИЗИМЛИ ИСЛОҲОТЛАРГА МУҲТОЖ" САРЛАВҲАЛИ ТАҲЛИЛИЙ МАҚОЛАСИ ЭЪЛОН ҚИЛИНДИ ("ЖУР-РИЯТ" НАШРИ 6 АПРЕЛДА КЎЧИРИБ БОСДИ ҲАМ).


жаларга эришилмоқда. Бу борадаги энг муҳим ютуғимиз шуки – "ёпиқлик муҳити"дан қутулиб, Янги Ўзбекистон пойдеворини айнан эркинлик ва адолат тамойиллари асосида барпо этмоқдамиз".

Оддий бир ҳақиқатни тан олиш керак: Президентнинг кейинги беш йил орасида ҳудудлар ривожини билан танишиш мақсадида уюштирилган таширлари доирасида ёки мустақил Ўзбекистонимизнинг сиёсий ҳаётида тарихий воқеа сифатида из қолдирган президентлик сайловлари ёхуд мамлакат тараққиётида муҳим ўрин тутувчи долзарб масала ва муаммолар муҳокамага бағишланган анъанавий видеоселектор йиғилишларида, қўйинки, барча катта-кичик анжуманларда ҳам давлат раҳбари оммавий ахборот воситалари ҳамда бевосита журналистларга чин юракдан хайрихоҳлигини бот-бот таъкидлаётгани бизни қувонтиради.

Қанотбахш даъватлар замирида одамларни рози қилиш йўлидаги изчил ислохотлар мазмун-моҳияти, қолаверса, ҳамон ечимни топилаётган айрим муаммолар ҳақида кенг жамоатчиликни хабардор этишдек машаққатли, мураккаб вазифаларни ОАВ орқалигина амалга ошириш мумкинлигига ишонч ҳисси ётибди.

Давлат раҳбари истаяпти, журналистлардан фаол ва жасоратли бўлмоқчи. Президент кутяпти, матбуотнинг ҳар қандай вазиятда ҳам мурасасиз, ҳақиқатпарвар, халқ тарафида бўлмоғини. Ва асосийси, юртбоши журналистика соҳаси (аввало, Ўзбекистон Журналистлари ижодий уюشمаси фаолиятини тубдан ислох қилиш, айниқса, кадрлар тайёрлаш масаласини такомиллаштириш, шунингдек, сиёсий-ижтимоий босма нашрларни (муассислари давлат, нодавлат ёки жамоат ташкилотлари эканлигидан қатъи назар) иқтисодий жиҳатдан қўллаб-қувватлаш, ОАВ ходимларининг ижтимоий ҳимояси ва ҳоказо) ҳар томонлама бугунги даврга ҳамоҳанг равишда тараққий этиши учун Президент сифатида барча шарт-шароитлар яратишга тайёрлигини қайта-қайта тақдорлаётди.

Лекин, минг афсуски, ҳаммаси эмас, беш-ўнта босма нашр (ҳатто хорижийнинг расмийи-норасмийи ахборот воситалари, жумладан, "обуначиси қўп" дейилаётган айрим сайтлар,



ҳатто баъзи блогерларнинг телеграм каналларида эълон қилинаётган асослими, асосисими, барибир, танқидий чиқишларга азбаройи ўз обрўларидан ҳадиксираб зудлик билан муносабат билдириляётган бир пайтда) саҳифаларида босилаётган ўткир танқидий мақолаларга нуфузли идораларнинг сукот билан жавоб бераётгани нимани аналгадди? Тушунисиз ҳолат бу. Балки, э, газета-журналда танқид кетверсин, нима бўлсаям сайт ё чет элда овоза бўлмаса бўлди, деган бемаъни қараш кучаяётгани оқибати шудир. Қўп бора кузатылгимиз, вазирилик ва идоралар, маҳаллий ҳокимликлардаги матбуот хизматлари бу каби қалампирсифат чиқишларга юзакчи, номига баёнот бе-

риш ёки хат юбориш билан чекланяпти холос. Уйлаймизки, бу борада ҳукумат миқёсида тегишли чоралар кўриш фурсати етди.

Яна бир оғриқли масала – босма нашрлар муассисларининг оммавий лоқайдлиги, эътиборсизлиги. Давлат ташкилотларининг (бюджетдан муолиялаштириладиганлари назардан тутиляпти) йўриғи бошқа, аммо нодавлат ва жамоат ташкилотлари таъсисчиси бўлмиш газета ва журналларнинг аҳоли аянчли даражага тушиб қолгани ҳаммага аён. Ҳатто республикамизда шундай вазирилик, агентлик ё кўмиталар борки, ўзлари қачонлардир қайси нашрга муассис бўлганиям унутиб юборишган. Шу ўринда айнан Молия

вазирилик мутасаддиларининг ҳам асосан босма нашрларга нисбатан "керак бўлса ўз аравасини ўзи тортиш" деган эскича қарашдан қутула олмаётганини афсус-надомат билан таъкидлашимиз шарт.

Ҳўш, бу кетишда эртага матбуотнинг аҳоли не кечади? Бармоқ билан санарли давлат нашрлари, нодавлат ташкилотлари муассислигидаги ёки хусусий мақомга эга ОАВларни қандай сақлаб қолиш ҳақида жиддий бош қотириш фурсати етмидими? Мамлакатда почта, матбуот тарқатиш, етказиб бериш хизмати инфратузилмаси издан чиққани газета-журналлар инқирозининг асосий омилларидан бири эканини масъуллар қачон англаб етади-ю, вази-

менга кўмакчи, елкадошисиз. Ютуғимизни ҳам, камчилигимизни ҳам халқимизга адолат билан етказувчи куч деб биламан. Сизлардан битта нарсани илтимос қиламан, изланишдан эринманглар, адолатни халққа етказишдан қўрқманглар. Ортингизда Президент бор. У замонлар ўтиб бўлди. Энди орқага йўл йўқ. Фақат адолат, адолат, фақат ҳақиқат! Қанча кўп ҳақиқатни етказса олкас, шунча кўп манфаат бўлади".

Норқобил ЖАЛИЛ, Ўзбекистонда хизмат кўрсатган журналист

АРЗОН, ҚУЛАЙ ВА ТЕЗКОР!

Энди почтани кутиб ўтиришга ҳоҳлат йўқ. Нашримизнинг электрон версиясига обуна бўлинг. Бунинг учун телефонингизга "Play Market" ёки "App Store"дан "XXI asr" иловасини юклаб олиб, пул ўтказсангиз кифоя.

Газетанинг электрон обуна нархлари: 12 ойлик – 96 минг сўм; 6 ойлик – 48 минг сўм.



КЎЗГА КЎРИНМАС АЖАЛ

Ёнилғи маҳсулотлари орасида энг хавфлиси табиий газдир. Унинг тўлиқ ёнмаслиги, оқимининг турли омилларга кўра бехосдан узилиб қолиши, хонада тўпланиши, ўчоқни ёқиб қўйиб, соатлаб хабар олмаслик каби сабаблар портлаш, ёнғин, ис газидан захарланишдек қўрқуликларни келтириб чиқаряпти.

Қўлбола асбоблардан фойдаланиш, тармоққа резина қувур улашиш, дудбуронни тозаласлик ҳам ҳаво-газ аралашмасини юзга келтиради. Натижада ёнғин содир бўлиб, инсонлар ҳаётдан бевақт кўз юммоқда.

Ис – рангсиз, таъмсиз захарли газ. Организмга тушганда қон таркибидаги гемоглабин ва кислород ташувчи эритроцитларни ўзаро боғлаб, кислороднинг тана бўйлаб ҳаракатланишини чеклайди. Оқибатда инсон ҳушини йўқотади, ҳатто дунёдан ўтади. Ҳаво



таркибида 0,01 фоиз бўлиши бунинг учун кифоя. Суюлтирилган газдан нотўғри фойдаланишда ҳам атрофдагилар захарланиши мумкин. Чунки унинг таркиби пропан – портловчи ва тез ёнувчи газдан иборат. Эҳтиётсизлик туфайли соғлигингизга, мол-мулкнингизга хавф туғдириб қўйишнингиз мумкин.

Нурбек НУРМОНОВ, Тошкент шаҳар Миробод тумани Фавқулодда вазиятлар бўлими инспектори

O'zLiDeP Тошкент шаҳар кенгаши Халқ депутатлари Бектемир туман кенгаши депутати, O'zLiDeP фаоли Бахтиёр Олимовга укаси Шомурод Олимовнинг вафот этгани муносабати билан ҳамдардик билдиради.

Footer containing contact information for XXI asr, including address, phone numbers, and social media links.